

安西判集殘卷



(前缺)

一、**際**深懼飛塵，而府縣官（中缺）

二、夜嚴，方全壘壁，前第晨警，始靜邊隅，脫（中缺）

三、於千里，身嬰憲典，實所甘心，急陷軍人，將何塞責。尚恐官□

四、處事，亦識科條，積習生常，仍懷怠慢。苟悦妻（中缺）

五、祿之資。遠慮深謀，闕於謹恒；危烽要路，失不防閑。萬一辦□

六、侵疆，引弓爲寇，入境便當難免，失戶即遣死刑。假令素實寬

七、疏，見罪如何不避。勤心職事，臣下常途；豈待提嘶，然爲剋己。比

八、聞烽夫，差遣是殘疾中男，遠望必闕機宜。聞者即可心寒，所部

九、何能不懼。略檢本州兵士，尚有二石（百）餘人，分捉城隍，雖言要重，校量烽

一〇、**調度無缺所須**，**覘候用心隨機**，**弛報若處分明了**，**衆事覘條歲**

一一、候，於事即輕。望抽壹佰餘兵，兼助諸烽守備。實冀縣官巡察，明

一二、示是非。令長務閑，親加檢校。必使在烽調度，無闕所須，覘候用心，隨

一三、機馳報。若處分明了，衆事剋條，歲暮論功，自陞上第。必闕指的，物

- 一四、務虧違，非直目下科繩，考日亦當貶降。遐方磧外，特異中州，守境
- 一五、臨邊，尤資謹慎，幸宜勛勵，無掛刑書。並仰縣令專知，不得更推丞、尉。
- 一六、奉判：伊州鎮人元孝仁、魏大師造偽印事〔二〕。大師游宕，綿厲暄
- 一七、經，方便不歸，再移年歲。亦爲性非淳謹，違犯公私，觸不處容。奔波
- 一八、靡定，既懼本州杖罰，遷延遂至于今。往者遞送伊州，並身已付
- 一九、納職。縣司將爲常事，防援稍似涉寬。臨至伊吾〔三〕，復來西出。後屬
- 二〇、孝仁避鎮，道路相逢，同惡小人，更爲虛詐。刻印合當流坐，依律今
- 二一、從重論。不可私送伊州，灼然須於此斷。且孝仁至此，實且稽留，比
- 二二、日送身，竟不肯去。雖是縣官寬緩，終由懼情深，以死爲期，不能更
- 二三、出。寄之欲投弓月，狀是戲劇之詞，既無真實可尋，計罪過於此。偽
- 二四、印事重，私獄極難。牒報伊州，請允不責。
- 二五、奉判：裴都護〔四〕左右私向西州事〔五〕。都護左右，事議積難。比
- 二六、更披尋，是非不易。安西再經聞奏，門下兩度改張〔六〕，俱爲邊鎮籍
- 二七、人，所以示依元請。士達流類，合住高昌，詳實臺符，理難抑邊。
- 二八、後屬將軍依請〔七〕，云翹賊庭，都護圖方，忽聞奪擊，緣茲赴救，更
- 二九、請將行。別降論言，始諧所奏。准旨勒令上道，限前便到龜茲〔八〕，

三〇、伏請想西州守文無失，而達士運道，承事多年，送故迎新，遂生

三一、去就，巧引冬初符命，不尊年下敕文，無禮私歸，有虧公

三二、法，奉牒任其逃官，依狀即勒遣收。詰其方便來由，確稱都護

三三、面許。慮其虛詐，方待送身。尋後買藥牒來，判語似如實□。

三四、下遇管見，猶自生疑。久牒安西，佇思返報，更復□歡，高證（中缺）

三五、歸。通信言定，即云在手，雖無公驗，詞色不是全虛。免仰之間，且

三六、容在此。今者重詳後敕，是十一月下旬，遠准西州來符，恐乖前

三七、式。西州是其本貫，容止即若罪名，安西立蕃聽愬，或貽誚禮儀。放

三八、後迴無文牒，何妨設詐私來，若不計會相知，兩處豈能安穩。伏請

三九、都護明示指揮。曲積出征，圖弼（兇）寇。陵鋒敗役，未見生還。訪

四〇、問行人，多云不死。雖無音信，何必非真。今既莫惻存亡，焉知長

四一、逝。預停田地，太似無情，待知的死不疑，追奪亦應未晚。職田下府

四二、且給，於後更聽符文。月料不多，即宜分惠。都護臨邊，押城事重，若

四三、無左右，交闕軍威。士達之徒，早緣教習，行動之處，理合陪隨。

四四、但爲州將改官，身充鎮色，絕茲注託，勞擾公庭。（去）冬救援之初，

- 四五、恩敕即令發遣。公瑜奉符之後，約勒不許更停。恐廢都護所。
- 四六、須，限日使其上道。至彼無幾，拒遂逃歸。勘問擅來所由，確稱都
- 四七、護自放。雖有文帖，終欲送身。忽奉報章，狀云判在。在此既無
- 四八、符命，留住事亦未安。伏請都護熟詳，得使兩州安穩。都護往任西
- 四九、州，當時左右蒙恩允許，敕有明文。尋後改向龜茲，重奏欲
- 五〇、將自遂。中間事意，更不審知。比爲西域敗軍，其日欲加救援。發兵忿
- 五一、逼，方有敕來。西州下僚，依文遣去。不知此色，何故却迴。若是都護
- 五二、不須，計應更聽別旨。其全無放牒，多恐口狼逃歸。既曰邊兵，
- 五三、尤須謹慎，牒安西急報。奉判：伊州鎮人侯莫陳等請安西效力事。
- 五四、弓月未平，人皆奮臂；吐蕃侵境，士悉冲冠。競願展效賊庭，用
- 五五、表誠心報國。伊州兵募，一百餘人，樓望鄉閭，一時迴駕。神口流類，
- 五六、索蕩雄圖，負戟從戎，每懷壯志。遂抑思歸之引，冀成定
- 五七、遠之功。語事論心，故難違拒。安西都護，鄰接寇場，兵馬久屯，交綏
- 五八、未決，非是軍謀不及，良由兵力尚微。目下待人，必知饑渴。方獲
- 五九、圖滅，急若斷弦。崔使今春，定應電擊，于闐〔九〕經略〔一〇〕，亦擬風行。
- 六〇、彼此俱藉雄兒，東西各資驍勇。得人即是濟要，添衆更益

六一、兵強。幸已裝束遵途，無義遲疑不遣。况京畿徑卒（二二），倍勝

六二、河西（二三）。雖言廿九人，終敵瓜、沙二百（三四）。於國利益，事合機宜。忝曰奉公，

六三、何容留礙。高頭、阿龍，久諧琴瑟，昨因貧病，遂阻參商。龍

六四、游蕩子之家，忽悲鸞而獨舞；頭寄隅之微，恒驚鵲以空樓。事非

六五、出於兩情，運以徵於夔意。無夫之媛，不可空擲春宵；鬪妻之男，

六六、實是難窮秋夜。遠念和鳴之緒，近詢鰥寡之由。頭緣疾病頓

六七、身，龍遂猖狂自閑，不能拘制，唯恐孤危，倚官豈敢致尤，抑

六八、從棄薄。生人之婦，昔時尚被奪將；死鬼之妻，今日何須不理。况有一

六九、女，見在堂中。既曰分腸，誠悲眼下。合之則兩人全愛，離之則一子無依。

七〇、見子足可如初，憐妻豈殊於舊。何勞採藥自遇，下山已屬棄砧。

七一、境任從再合，於理無妨。以狀牒知，任爲公驗。

七二、郭微先因僂從，爰赴二庭，遂補屯官（二四）。方牒萬石，未聞檢校之效，

七三、遽彰罪過之踪。笞撻有情，豈緣公務。所爲無賴，祇事

七四、陰私。握手足即破三人，役正、副便輕一命。人聞馴燕，何慙而被噴；

七五、兵下養駒，駒何好而抑買。城局專行粗杖，豈是使人之方。牛子

七六、無事再笞，難見牧羣之失。况營農之務，本資氣力。悅諭之法，

七七、誠表難容。寒耕熱耘，霑體塗足。高宗所以道野，帝舜由是號

七八、天。帶經之榮，於茲見矣；敬饁之貴，豈爲別途；常合免諸，以誠其

七九、事。何得不思其位，不恤其憂，浪有預忤，漫行威福。略問並今符

八〇、會，元情實可重科。但爲再問即臣，亦足聊依輕典。按雜律云，

八一、諸不應得爲而爲之者，答卅（四十）

（後缺）

註釋

〔一〕安西：安西都護府，唐六都護府之一。唐太宗貞觀十四年，平高昌，於西州置安西都護府，治交河城。高宗顯慶三年，移治龜茲。龍朔元年轄龜茲、于闐、焉耆（一說碎葉）、疏勒四鎮，八十州及月氏等十七都督府。咸亨元年，吐蕃陷安西，罷四鎮。至武則天長壽二年，復四鎮。肅宗至德以後，改稱鎮西都督府。

〔二〕伊州：唐州名，本名西伊州，貞觀六年改名伊州，治伊吾（今新疆哈密）。

〔三〕伊吾：唐縣名。貞觀四年置。治所在今新疆哈密，亦爲當時伊州治所。

〔四〕都護：官名。唐置單于、安北、安南、鎮北、北庭、安西六大都護府，統轄邊遠諸國。《舊唐書職官志三》：「都護之職，掌撫慰

諸蕃，輯寧外寇，覘候奸譎，征討携貳。」

〔五〕西州：唐州名。故地在今新疆吐魯番縣與善都縣之間。唐太宗貞觀十四年平高昌，以其地爲西州。

〔六〕門下：官署名，門下省之略稱。唐因隋制。初置門下省，與中書省、尚書省並立。高宗龍朔二年改名東臺，武則天光宅初改名



鸞臺，中宗神龍初仍復舊稱。其長官初名侍中，後改爲東臺左相、右相、黃門監等。舊唐書職官志二：「侍中之職，掌出納帝命，緝熙皇極，總典史職，贊相禮儀，以和萬邦，以弼庶務，所謂佐天子而統大政者也。凡軍國之務，與中書令參而總焉，坐而論之，舉而行之，此其大較也。」

〔七〕將軍：官名。唐設有左右衛、驍衛、武衛、威衛、領軍、金吾衛、監門衛、千牛衛、羽林衛、龍武衛、神武衛等大將軍，將軍，並爲中央禁衛之官，武散官亦設有大將軍、將軍。

〔八〕龜茲：唐都護府名。原爲漢西域國。魏晉以降，兼有姑墨、溫宿、尉頭等地。唐初內附，貞觀二十二年置龜茲都護府，後爲安西都護府治所，領地以今新疆庫車爲中心。

〔九〕于闐：唐軍鎮名。故地在今新疆和田，爲安西四鎮之一。

〔一〇〕經略：唐官名。唐初於邊州置經略使，統轄軍政事務。

〔一一〕京畿：國都所在地及其行政機構所管轄地區，此指唐中央禁衛軍三國志魏志武帝紀建安十八年詔：「遂遷許都，造我京畿，設官兆祀，不失舊物。」

〔一二〕河西：唐節鎮名。景龍元年，置河西節度使，爲開元、天寶十一節度使之一，治涼州，今甘肅武威市。

〔一三〕瓜、沙：瓜州、沙州。瓜州，唐州名。武德五年置，治晉昌（今甘肅安西縣東南）。沙州，唐州名。武德五年改瓜州爲西沙州，貞觀七年改名沙州，治敦煌（今甘肅敦煌縣西）。

〔一四〕屯官：掌管屯田的官吏。新唐書百官志一：「二十日耕耨以時，收穫成課，爲屯官之最。」